

E bida literario di Aruba di e periodo di Statuut, 1954, te aña 2015

Cu hopi orguyo y placer Fundacion Editorial Charuba, conhuntamente cu Biblioteca Nacional Aruba, ta presenta e publicacion mas nobo di dr. Wim Rutgers "Balans, Arubaans letterkundig leven: De periode van Autonomie en Status Aparte, 1954-2015". E presentacion ta tuma luga diamars 4 di april, di 8pm pa 10pm, den cura di departamento Arubiana situa den Bachstraat 5.

Den transcurso di 40 aña Wim Rutgers a tene hopi presentacion y a skirbi un cantidad di articulo tocante literatura di Aruba. E articulonan aki, literario critico y literario historico, a keda publica den diferente medio di comuni-

cacion, tambe den revistanan y tomonan literario. Su contribucion literario semper a cana hunto cu su actividadnan den enseñansa. El a duna les na Colegio Arubano, na Instituto Pedagogico Arubano (IPA), Universidad di Aruba, tambe mas despues na Universidad di Antia Hulandes/University of Curaçao. Su grupo meta semper ta e lector interesa den literatura y e estudiante. Na aña 1994 Wim Rutgers a logra su titulo di doctor cu e tesis 'Schrijven is zilver, spreken is goud; oratuur, auratuur en literatuur van de Nederlandse Antillen en Aruba'.

'Balans' ta un coleccion di articulonan cu ta ilustra e

desaroyo di historia di literatura di Aruba den e periodo di 1954 pa 2015. E buki lo ta na benta e anochi di presentacion y e ta obtenibel na e diferente librerianan. 'Balans' ta un publicacion di Editorial Charuba y a keda realisa entre otro cu sosten financiero di Prins Bernhard Cultuurfonds Caribisch gebied.

Presentacion ta di 8or pa 10or cu un programa interesante y varia cu ta conta cu colaboracion di sra. Alice van Romondt, sr. Ronny Severing y un grupo di amante di teatro y literatura bou direccion di sra. Olga van Bochove. Departamento Arubiana/Caribiana ta situa na Bachstraat # 5, Oranjestad.

